



Universitätsbibliothek Paderborn

**Carminvm Iacobi Albani Ghibbesii, Poetae Lavreati
Caesarei, Pars Lyrica**

Gibbes, James Alban

Romae, 1668

Ad Leopoldvm I. Caesarem Avgvstvm. Ode I. Parta de Turcis memorabili
victoria, pacequè indè per mutuam legationem composita, augustissimas
ei Nuptias cum regia Hispaniæ Virgine Margarita feliciter ...

urn:nbn:de:hbz:466:1-13378

IAC. ALB. GHIBBESII
POET. LAVR. CAES.

47

LYRICORVM
LIBER II.
AD LEOPOLDVM I.
CAESAREM AVGVSTVM.

ODE I.

*Parta de Turcis memorabili victoria, pacequè indè per
mutuam legationem composita, augustissimas ei Nu-
ptias cum regia Hispania Virgine MARGARITA feli-
citer optat evenire.*

 Aud parua magno contulerim tibi
Exempla, CAESAR; Sithonijs ducum
Palmis onusto barbarorum, &
Hesperium thalamum petenti.
Sic ille truncâ Gorgone Perseus
Clari recessûs Andromeden tulit
Donum, inter ignes mōx futuram
AEthereos sociale fidus.
Cessitquè virgo legibus Herculi
Desponsa iustis regia vindici,
Postquam erubescendo Creontem
Soluerat Orchomeni tributo.
Quin & subactâ Liber ab India
Hoc more gratam querere coniugem
Ardebat (æterni propago
Tanta Iouis) diadema pugnæ,

Cres-

Cressam pueram . Nomen enim graue
Minos sonabat, iustitiae arbiter ,

Parensque nuptæ . Rara virtus

Visque adeò Superos amicat :

Herōas inter te quoquè maximos

Euenta belli prospera feruidi

AVGVSTE , sublimis merenten

Condecorant generum Philippi :

Interminatis cui volat axibus

Vterque Phœbus ; quæ mare Atlantiçum

Potat fatigatos iugales ,

Quæ refugit noua meta Gangem .

Sperata longo gaudia tempore

En mensis affert iam tuus : explica

Frontenique , risumque , & lacertos

Austriacâ fruiture Nymphâ .

Nam quod laborum , quod tibi sumptuum

Nobis pericli fas erat integris

Exsoluere , aut optare munus ,

Hesperiam nisi MARGARITAM ?

Gemmâ coruscus non aliâ Tagus

Se iactat æquè : non similes dedit

Gazas Hydaspes fabulosus ,

Nulla rubri tegit ora ponti .

Aequata laudi præmia Cœlites

Plerumque librant . Quam propè sanguine

Istrum colorârat fideli

Christiadum Mahumetis vltor ;

Cultus , & aras , & genus , & lares ,

Nomenque totum eradere splendidè

Periurus ? Hinc tendebat hostis

Pannonios penetrare sines ;

Ni militari pectore Teutonum ,

Fortisque Galli protinus impetu

Multâ coactus substitisset

Cæde virûm , lacerisque signis ;

Stat Mura flumen testis , & Arrabo

Cladis receptæ , purpureos adhuc

Voluens

Voluens liquores : te cohortes ,
 Te patrios animante Diuos .
 Veditquè tandem dux Solymannius
 Lunata quantum pelta Moguntiae
 Cedat cateiae, luctuosis
 Ictibus, horribiliquè fato .
 Fœdus pauentes inde Othomanidæ ,
 Quæruntquè pacis pignora mutuae :
 Leslæus hinc portat, Memetes
 Inde refert, agiles ministri .
 Communis ô tu lætitiae dator ,
 Præcerpe pactæ gaudia Virginis
 Iam nunc ; secundature plausus
 Assimili, LEOPOLDE, prole .

AD PAVLVM ZACCHIAM.

Rerum legalium, quæ sub medicum cadunt, absolutissi-
 mum opus ab eo conscriptum commendat .

ODE II.

Nullus ignaræ medicorum, ut olim ,
 PAVLE ZACCHIA, locus est cateruæ ;
 Nulla per legem mora cognitori
 Discere vitas .
 Tu mones iustâ cecidisse Lunâ
 Posthumum matri sine fraude pondus ;
 Scribis hæredem simili notatum
 Sanguine vultum .
 Oppiam ducunt : scelus ! ô Quirites ,
 Claudiæ affixum reparate probrum ;
 Vesta (conclamas) Cybelequè zonæ
 Terret amica .
 Sic & occulto vitiosa casu
 Virgo damnatur, licet illa mœchos
 Abneget : primo sua quippè constans
 Signa pudori .

D

Signa